

www.BibleForChildren.org




Genesis 6



Hi Noah ya nahamad di atona
an mi'id pamahal nan tatagun
hiya ti un'unnud ay Apo Dios.
Mu hay panigaw Apo Dios an
amin hinan tataguh tun luta
ya nappuhiy gunda aton, ya

nunheglay pangatdah
nan
i'ibbadan
tatagu.



Ya inalin Apo Dios ay Noah di,
"Ninomnom'un pa"ion tun luta ta
ma'ubah an amin nan tatagu ti nunnaud
nan ato'atondan gunda pumatoy."



"At iyammam di pupul. Hay iyammam ya nan cypress an ayiw, ya hinoldaholda' muy bunolna. Ya lempahmu ay an inyamma ya inhamadmun litaon hi longah an amin nan muntigaw, ya umat goh hinay atom hi bunolna."



At intuluy Apo Dios an
inalinay, "Hay lukudna
ya opat di gahut ya
han nabongley
umpih
inadu" oyna,


ya napitu
ta lemay umpih
inabellogna. Ya
hay inata' nangna ya
napat ta han lemay
umpi."




"Ya idadaanyun ehgop an
amin nan mun'olog hi
ononyun amin ya hay onon
goh nan numbino'ob'on an
pe'ehgoponyu."
Hiyah ne inalin
Apo Dios.




Ya mahapul an pe'ehgoponyuh nan pupul di
mahindudwah an amin hinan matagun nalmun
buta'al ya tenna ta mi'tagudan da'yu.




At ipahgopmuy pituh nan numpunhimbaly hinan
a'animal an abuluton Apo Dios hi ma'an ya
me'nong ay Hiya, . . .




... ya ipahgopmuy duwah nan numpunhimbaly an
a'animal an adi abuluton Apo Dios hi ma'an
ya me'nong ay Hiya, ya nan himpiptuh nan
numpunhimbaly an nun'apaya'an
ta waday mahlag hitun luta.





At hinungop mahkay
da Noah an hina"ama ya
nan a'ahawadah nan pupul ta
mabaliwandah albongan tun luta.





Ya hay aat di nalbongan tun
luta ya nuntawon hi Noah hi
onom di gahut eden miyapulu
ta pituh algaw hi miyadwah
bulan di nibo'tanan
di a'obo'obob ya
niguwang ad daya.





At immuda'udan hi napat di
algaw ya napat di labi.




Ya gunna iyal'allan malbong
tun luta, at muntaptapaw
mahkay nan pupul.



Ya gun bumi'ah an malbong tun luta, ya nunhe'nobnan
amin nan aduntuduntug an ta'on nan atata'nang.
an diday hinodohdaan Apo Dios ta timmaguda.



Ya ninomnom Apo Dios da Noah
ya an amin nan wah nan pupul, at
impatuyupnay tuyup ta way aton nan
danum an ma'bah ta nun'atdu' nan
a'obo'obob, ya inugawna nan udan
an nalpud daya.





Ya impatayapna goh nan
balug ta panginnilaanah
un namaganan di luta.




At heden duwampulu ta pituy algaw hi miyadwan
bulan ya namaganan mahkay an amin di luta.
Ya inalin Apo Dios ay Noah di, "Pumitaw
ayun ahawam, ya nan
imbabaluyyu, ya nan
a' ahawada."



At nun'ammah
Noah hi pun'onngan
ay Apo Dios, at
inummal hi me'nong
an animal ya nan
me'nong an hamuti,
at ene'nongnan Apo Dios.






Ya hay
pangimmatunanyuh
un immannung
heten itulag'uh ato'
ay da'yu, ya an

amin nan
holagyu, ya nan udum
an matagu ya hay
abungalngal an
lumuwo' ad daya.





Ti wa ay ta
mundonyag ya
mawada nan
abungalngal an
mipattig. Ha" in ya
adi' ahan aliwan nan


intulag' un da' yu ya
an amin nan udum an
matagu an adi' mahkay
ubahon nan wah tun
lutan dumalat nan
lobong ti adi mipidwan
malbong tun luta.



At winagahan Apo
Dios hi Noah ya nan
imbabaluynan inalinay,
"Hay maphod ya munholag
ayu ta dumo'ol ayu ta
la'tot ya nun'onan nan
holagyuh tun luta."



"Ya hay imbabaluy
Noah an limmahun an nalpuh nan
pupul ya da Shem, ya hi Ham, ya
hi Japheth. (Hi Ham ya hiyay
ommod Canaan.) Date an tulun
imbabaluy Noah ya diday
napu'agan an amin di
tataguh tun
luta."



Hiyah ne aatna ti nidugah di pamhod
Apo Dios hinan tataguh tun luta, at
hennagna han oh'ohhan imbaluynan
dida, ta an amin di mangulug ay Hiya
ya adida milahhin ay Apo Dios,
at mi'tagudan Hiyah mid
pogpogna.



Romans 3:23

Ya an amin tu'u ya nabaholan tu'un Apo Dios, at hiyanan nakudang ahan di amaphod tu'uh pannigna.

Romans 6:23

Ya hay lagbun di nabaholan ya hay ilahhinanan Apo Dios hi mid pogpogna. Mu hay homo' Apo Dios ya nan pi'taguan tu'un Hiyah mid pogpogna an dumalat hi Jesu Kristun Apu tu'u.

Hebrews 9:27

An amin di tagu ya mahapul an matoy ya un mahkay humalyaon Apo Dios.

Ephesians 2:8,9

At dumalat di ama'ulay Apo Dios ya nabaliwan tu'u ti nan pangulug tu'u, ya bo'on hay aton tu'uh maphod ti unna idat an adi mapalgan.



John 3:16,17

Hiyah ne aatna ti nidugah di pamhod Apo Dios hinan tataguh tun luta, at hennagna han oh'ohhan imbaluynan dida, ta an amin di mangulug ay Hiya ya adida milahhin ay Apo Dios, at mi'tagudan Hiyah mid pogpogna. Ya bo'on goh hay maphod an ina'inat tu'u, at bo'on hiyay iting'i tu'u.

Romans 10:9,10

Ya gulat ta ulgudonyuy un makulug an hi Kristuy Apu tu'u ya kulugonyu goh an minahuan Apo Dios Hiyah din natayana at mabaliwan ayu. Ti nan tagun kumulug ya hiyay ibilang Apo Dios an nahamad di ugalina, ya nan tagun mangulgud hi un hi Kristuy Apuna ya hiyay mabaliwan. Ti hay nannagan Apo Dios hinan Imbaluyna ya bo'on hay pummoltaanah nan tataguh tun luta, ti hay dumalat ya ta baliwana dida.



1 John 5:11-13

Ya hay hinapit Apo Dios ya inalinay indadaanay pi'taguan tu'un Hiya ta mi'tagu tu'un Hiyah munnannong, ya henen pi'taguan ya wadah nan Imbaluyna.

At an amin di mangulug hinan Imbaluy Apo Dios ya mi'tagudan Apo Dios hi mid pogpogna, mu nan adi mangulug ay Hiya ya adida mi'tagun Hiya.

Manu ay itudo"u hatun da'yun mangulug hinan Imbaluy Apo Dios ya ta innilaonyun mi'tagu ayun Apo Dios hi mid pogpogna.



Genesis 6 - 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Ifugao, Batad Bible (ifb) © 2018, Wycliffe Bible
Translators, Inc. All rights reserved.

<https://live.bible.is/bible/IFBTBL/GEN/1>

©2024 Bible for Children, Inc.

www.M1914.org

www.bibleforchildren.org

